

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА

**UPUTSTVO**  
o postupku slanja, primanja, obrade, arhiviranja i zaštite elektronskih prijava i  
dokumenata državljana Bosne i Hercegovine za glasanje izvan BiH elektronskim putem  
**(Prečišćeni tekst)**

Sarajevo, maj 2024. godine

Na osnovu člana 2.9 stav (1) tačka 2. a u vezi sa članom 3.15 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 18. Poslovnika Centralne izborne komisije Bosne i Hercegovine ("Službeni glasnik BiH", broj 29/18 i 25/20), Centralna izborna komisija Bosne i Hercegovine je na 20. sjednici održanoj dana 03.05.2024. godine donijela

## UPUTSTVO

o postupku slanja, primanja, obrade, arhiviranja i zaštite elektronskih prijava i dokumenata državljana Bosne i Hercegovine za glasanje izvan BiH elektronskim putem

(Prečišćeni tekst)

### POGLAVLJE I. OPĆE ODREDBE

#### Član 1. (Predmet)

Uputstvom o postupku, slanja, primanja, obrade, arhiviranja i zaštite elektronskih prijava i dokumenata državljana Bosne i Hercegovine za glasanje izvan BiH elektronskim putem (u daljnjem tekstu: Uputstvo) propisuje se postupak i način otvaranja korisničkog naloga i način registracije i prijave za korištenje on-line portala za birače izvan BiH, podnošenje zahtjeva, unos podataka i prilaganje dokumentacije, postupak obrade zahtjeva i podataka korisnika, način obavještanja korisnika o svim aspektima procesa, postupak arhiviranja zahtjeva i podataka, brisanje podataka i dokumentacije po zahtjevu korisnika, izgled i sadržaj obrazaca zahtjeva državljana Bosne i Hercegovine za glasanje izvan BiH, te način zaštite elektronskih prijava i dokumenata za glasanje izvan Bosne i Hercegovine.

#### Član 2. (Definicije)

U smislu ovog Uputstva, navedeni pojmovi imaju sljedeće značenje:

- a) „**e-Izbori**“ podrazumjeva On-line portal putem kojeg se pristupa servisu za korištenje elektronskih usluga koje pruža Centralna izborna komisija BiH za korisnike izvan BiH.
- b) „**Korisnik elektronskih usluga**“ (u daljem tekstu: korisnik) podrazumijeva državljanina Bosne i Hercegovine, koji koristi e-Izbori na način propisan ovim Uputstvom.
- c) „**Aplikacija za upis birača izvan BiH**“ podrazumjeva aplikaciju na e-Izbori putem koje se prijava za glasanje izvan BiH dostavlja Centralnoj izbornoj komisiji BiH.
- d) „**Podnosilac prijave**“ podrazumjeva državljanina Bosne i Hercegovine koji je Centralnoj izbornoj komisiji BiH podnio prijavu za glasanje izvan BiH.
- e) „**Dokumentacija**“ podrazumijeva podatke i dokumente koje korisnik dostavi elektronskim putem (u daljnjem tekstu: „e-Dokumentacija“).
- f) „**Birač**“ podrazumjeva državljanina Bosne i Hercegovine upisanog u Centralni birački spisak u skladu sa Izbornim zakonom BiH.

## POGLAVLJE II. KORISNIČKI NALOG I PRIJAVA NA E-IZBORI

### Član 3. (Korisnički nalog za e-Izbore)

- (1) Državljanin Bosne i Hercegovine koji je upisan u Centralni birački spisak, da bi podnio zahtjev za glasanje izvan Bosne i Hercegovine elektronski, putem portala neophodno je da otvori korisnički nalog na e-Izbore, izvrši tražene potvrde, prihvati postavljene uslove, te da pristane na uslove korištenja, pravila privatnosti i obradu podataka od strane Centralne izborne komisije BiH nakon čega unosi sljedeće podatke:
- a) Ime
  - b) Prezime
  - c) Jedinstveni matični broj –JMB.
  - d) E-mail adresu i
  - e) Kontakt telefon.
- (2) Nakon unosa podataka iz stava (1) ovog Uputstva, vrši se automatska provjera:
- a) da li su uneseni svi traženi podaci,
  - b) da li je korisnik sa unesenim podacima upisan u Centralni birački spisak,
  - c) da li već postoji korisnik naloga sa unesenim podacima i
  - d) da li je već korištena unesena e-mail adresa za otvaranje naloga od strane drugog korisnika.
- (3) Korisnik je dužan da unese sve podatke iz stava (1) ovog člana, te ukoliko nije unio tačno podatke ili uneseni podaci nisu potpuni, omogućava se ispravka i dopuna podataka.
- (4) Ukoliko i nakon postupka dopune ili ispravke netačno unesenih podataka korisnik ne može izvršiti otvaranje naloga na e-Izbore, korisnik se upućuje da se obrati Centralnoj izbornoj komisiji BiH za detaljne provjere i pomoć za registraciju na portal.
- (5) Korisnik može koristiti samo jednom i za jednu prijavu e-mail adresu za otvaranje naloga na e-Izbore. Ukoliko je e-mail adresa već korištena za prijavu putem e-Izbore, korisnik je dužan izmijeniti i dostaviti novu e –mail adresu kako bi se registrovao na e-Izbore.
- (6) Nakon ispunjenja uslova iz stava (2) ovog člana, biraču se dostavlja e-mail za potvrdu korisničkog naloga koji sadrži odgovarajuće uputstvo i pristupne šifre koje je birač dužan potvrditi u roku od 15 minuta od vremena prijema potvrdnog e-maila.
- (7) Ukoliko birač ne izvrši potvrdu e-mail u roku navedenom u stavu (6) ovog Uputstva, uneseni podaci se brišu.

### Član 4. (Postupak u slučaju nemogućnosti otvaranja naloga na e-Izbore)

- (1) Korisniku kod koga je provjerom u skladu sa članom 3. stav (2) tačka b) ovog Uputstva, utvrđeno da nije upisan u Centralni birački spisak, omogućava se podnošenje zahtjeva

Centralnoj izbornoj komisiji BiH za upis u Centralni birački spisak sa detaljnim uputama o načinu, postupku i dokumentaciji koja se dostavlja za upis birača u Centralni birački spisak.

- (2) Korisnik koji već ima nalog na e-Izbori sa podacima koji su uneseni, upućuje se da izvrši prijavu na e-Izbori odnosno da kontaktira Centralnu izbornu komisiju BiH s ciljem dodatnih provjera pristupnih podataka ili utvrđivanje tačnog identiteta, ukoliko se radi o pokušaju višestruke prijave.

#### **Član 5.** **(Prijava na e-Izbori)**

- (1) Korisnik pristupa e-Izbori, na osnovu dostavljenih pristupnih podataka od strane Centralne izborne komisije BiH, nakon otvaranja naloga utvrđenog u članu 3. ovog Uputstva, u periodu koji Centralna izborna komisija BiH utvrdi kao rok za podnošenje zahtjeva za upis birača koji glasaju izvan BiH.
- (2) Prva prijava na e-Izbori zahtjeva od korisnika promjenu pristupne šifre koju je korisnik dužan izmijeniti, te kreirati novu šifru u skladu sa preporukama za sigurne šifre (koristiti minimalni broj znakova i kombinaciju malih i velikih slova, brojeva i specijalnih znakova).
- (3) Šifru i pristupne podatke korisnik je dužan čuvati i koristiti u za to predviđenu svrhu, te je zabranjeno davanje, djeljenje ili pokušaj zloupotrebe pristupnih podataka.

#### **Član 6.** **(Postupak u slučaju nemogućnosti prijave na e-Izbori)**

- (1) Korisnik koji ne može da izvrši prijavu na e-Izbori vrši provjeru:
  - a) da li je otvorio nalog za pristup e-Izbori u skladu sa članom 3. ovog Uputstva,
  - b) da li je ispravno unio pristupne podatke i
  - c) da li je rok za prijavu počeo ili je završen.
- (2) Ukoliko korisnik i nakon izvršenih provjera iz stava (1) ovog člana, nije u mogućnosti da se prijavi, obraća se Centralnoj izbornoj komisiji BiH zahtjevom za podršku putem e-maila, telefona ili na drugi pogodan način koji sadrži osnovne podatke o korisniku i opisu problema.

### **POGLAVLJE III. PODNOŠENJE ELEKTRONSKE PRIJAVE I DOKUMENTI ZA UPIS BIRAČA ZA GLASANJE IZVAN BIH**

#### **Član 7.** **(Podnošenje prijave za glasanje izvan BiH)**

- (1) Birač podnosi prijavu u Aplikaciji za upis birača izvan BiH putem E-izbora, popunjavanjem podataka ili izborom već definisanih podataka u formi obrazac prijave koja sadrži sljedeće podatke:
  - a) Jedinstveni matični broj –JMB,
  - b) Prezime i ime.

- c) Ime jednog roditelja.
- d) Spol.
- e) Datum rođenja.
- f) Status u kojem boravi u inostranstvu privremeni boravak ili izbjeglo lice.
- g) Način glasanja (Glasanja putem pošte ili glasanje u DKP BiH).
- h) Država i grad u kojem se nalazi DKP BiH.
- i) Adresa boravka u inostranstvu.
- j) Grad boravka u inostranstvu.
- k) Poštanski broj.
- l) Kontakt telefon u inostranstvu.
- m) Entitetska opcija za birače iz Brčko distrikta BiH.
- n) Datum podnošenja prijave.
- o) QR kod i
- p) Oznaka broja zahtjeva.

- (2) Podaci iz tačke a), b), c), d) i e) stav (1) se automatski preuzimaju u Aplikaciju za upis birača izvan BiH iz evidencije Centralnog biračkog spiska i izmjena istih od strane birača moguća je u skladu sa propisima kojima je regulisana navedena materija od strane nadležnog organa.
- (3) Podatke iz stava (1) tačke f), g), h) i m) birač unosi izborom između ponuđenih opcija, a podatke iz tačke h), i), j), k) i l) birač unosi u Aplikaciju za upis birača izvan BiH.
- (4) Podaci iz stava (1) tačke n), o) i p) se automatski generišu u Aplikaciji za upis birača izvan BiH.
- (5) Unos svih podataka iz stava (1) je obavezan, osim podatka iz tačke h) koji zavisi od izabrane opcije načina glasanja.
- (6) Nakon popunjavanja forme, birač je dužan odštampati obrazac prijave, provjeriti podatke u obrascu i isti svojeručno potpisati identično potpisu na identifikacionom dokumentu.

#### **Član 8.** **(Prilaganje E- dokumentacije)**

- (1) Da bi prijava birača za glasanje izvan BiH bila potpuna, birač je dužan pojedinačno priložiti (uploadovati) putem Aplikacije za upis birača izvan BiH fotografisane ili u drugom pogodnom elektronskom formatu sljedeće dokumente:
  - a) Dokaz o identitetu.
  - b) Dokaz o tačnoj adresi u inostranstvu za birače koji glasaju putem pošte i
  - c) Svojeručno potpisan prijavni obrazac **elektronske prijave**.
- (2) Ukoliko prijava ne bude podnesena na način i po postupku utvrđenom stav (1) ovog člana, Centralna izborna komisija BiH e-mailom određuje podnosiocu prijave rok za otklanjanje utvrđenih nedostataka.
- (3) Podnosilac prijave koji ne postupi i ne otkloni nedostatak u roku određenom stavom (2) ovog člana, ostat će upisan u Centralni birački spisak za glasanje u Bosni i Hercegovini.

**Član 9.**  
**(Dokaz o identitetu)**

(1) Vjerodostojan dokaz o identitetu za birača koji privremeno boravi izvan BiH u smislu člana 3.15 Izbornog zakona BiH, smatra se priložen važeći jedan od sljedećih dokumenata:

- a) fotografisana, skenirana ili u drugom elektronskom formatu snimljena lična karta BiH – obje strane ili
- b) fotografisan, skeniran ili u drugom elektronskom formatu snimljen pasoš – dio sa podacima i slikom ili
- c) fotografisana, skenirana ili u drugom elektronskom formatu snimljena vozačka dozvola BiH-obje strane vozačke dozvole BiH.

(2) Izbjegla lica pored dokaza o identitetu iz stava (1) ovog člana, mogu priložiti, kopiju važeće isprave sa fotografijom, izdate od zemlje domaćina ili izbjeglički karton izdat od zemlje domaćina ili druge međunarodne organizacije.

**Član 10.**  
**(Dokaz o tačnoj adresi u inostranstvu)**

Vjerodostojan dokaz o tačnoj adresi u inostranstvu birača u smislu člana 3.15 stav (1) Izbornog zakona BiH, za birače koji će glasati putem pošte, smatra se dokument o tačnoj adresi u inostranstvu izdat od nadležnog organa ili važeći lični dokument izdat od zemlje domaćina koji sadrži tačnu adresu boravišta u inostranstvu.

**Član 11.**  
**(Izmjena podataka i dopunjavanje prijave)**

- (1) Izmjenu podataka u podnesenoj elektronskoj prijavi i dopunjavanje priložene dokumentacije birač može vršiti u rokovima koje utvrdi Centralna izborna komisija BiH isključivo putem Aplikacije za upis birača izvan BiH.
- (2) O svakoj izmjeni podataka u prijavi ili dopuni dokumentacije vodi se evidencija, te se birač obavještava putem e-maila.

**POGLAVLJE IV. POHRANA I OBRADA PRIJAVE I DOKUMENTACIJE ZA GLASANJE IZVAN BIH ELEKTRONSKIM PUTEM ILI PUTEM TELEFAKSA**

**Član 12.**  
**(Pohrana elektronskih prijava i dokumentacije)**

- (1) Prijave za glasanje izvan BiH i elektronski dokumenti podneseni putem Aplikacije za upis birača izvan BiH pohranjuju se u informatički sistem Centralne izborne komisije BiH u odgovarajućem elektronskom formatu, pogodnom za obradu, pregled i štampanje sa odgovarajućim generisanim nazivom koji sadrži broj zahtjeva i vrstu dokumenta.
- (2) Nakon pohranjivanja podataka i e-Dokumentacije zahtjev dobija status: „U obradi“.
- (3) Priloženi obrasci prijava za glasanje izvan BiH sa dokumentacijom podnesenom putem Aplikacije za upis birača izvan BiH, štampaju se u Centralnoj izornoj komisiji BiH i dostavljaju na dalju obradu.

**Član 13.**  
**(Obrada prijava i elektronske dokumentacije)**

- (1) Obrada prijave i E-dokumentacije obuhvata sljedeće radnje od strane Centralne izborne komisije BiH:
- a) Pregled prijava sa statusom: „U obradi“.
  - b) Pregled priloženog prijavnog obrasca.
  - c) Pregled priloženog dokaza o identitetu i
  - d) Pregled priloženog dokaza o boravištu u inostranstvu.
- (2) Nakon pristupa pojedinačnoj prijavi i dokumentaciji koja ima status: „U obradi“ vrše se provjere ispravnosti priložene E-dokumentacije otvaranjem i vizuelnim pregledom koji obuhvata:
- a) Za prijavni obrazac:
    - 1) Da li je priložen kompletan i propisani prijavni obrazac
    - 2) Da li prijavni obrazac glasi na podnosioca prijavnog obrasca i
    - 3) Da li je prijavni obrazac potpisan.
  - b) Za dokaz o identitetu:
    - 1) Da li je priložena kompletna kopija dokumenta,
    - 2) Da li dokument glasi na podnosioca prijave,
    - 3) Da li je priložen odgovarajući dokument iz člana 9. ovog Uputstva i
    - 4) Da li je priložen dokument važeći.
  - c) Za dokaz o tačnoj adresi u inostranstvu za birače koji glasaju putem pošte:
    - 1) Da li je priložena kompletna kopija dokumenta,
    - 2) Da li dokument glasi na podnosioca prijave,
    - 3) Da li je priložen odgovarajući dokument iz člana 10. ovog Uputstva i
    - 4) Da li je adresa boravka u prijavi i dokumentu identična.
- (3) Nakon što je izvršenim provjerama utvrđeno da prijava i dokumentacija ispunjava sve uslove iz stava (2) ovog člana, status prijave se mijenja u: „*Prijava ispunjava uslove*“.
- (4) O promjeni statusa prijave iz stava (3) ovog člana, podnosilac se obavještava putem Aplikacije za upis birača izvan BiH i e-maila.

**Član 14.**  
**(Evidentiranje prijava i E-dokumentacije koja ima nedostatke)**

- (1) Prijave i E-dokumentacija za koje se tokom provjera utvrdi da imaju nedostatke putem Aplikacije za upis birača izvan BiH unosi se razlog i vrsta nedostatka na sljedeći način:
- a) Za prijavni obrazac:
    - 1) Kod kojeg nije priložen kompletan i propisani prijavni obrazac unosi se razlog: „*Prijavni obrazac nije ispravan*“.
    - 2) Za prijavni obrazac koji glasi na drugog podnosioca unosi se razlog: „*Prijavni obrazac ne odgovara priloženim dokazima*“ i

- 3) Za prijavni obrazac koji nije potpisan unosi se razlog: *„Prijavni obrazac nije potpisan“*
  - b) Za dokaz o identitetu:
    - 1) Kod koje nije priložena kompletna kopija dokumenta, unosi se razlog: *„Dokaz o identitetu nije kompletan“*.
    - 2) Za dokument koji ne glasi na podnosioca prijave unosi se razlog: *„Dokaz o identitetu glasi na drugu osobu“*.
    - 3) Za dokument koji nije odgovarajući iz člana 9. ovog Uputstva unosi se razlog: *„Dokaz o identitetu nije ispravan“* i
    - 4) Za priloženu kopiju dokumenta koji nije važeći unosi se razlog: *„Dokaz o identitetu nije važeći“*.
  - c) Za dokaz o tačnoj adresi u inostranstvu za birače koji glasaju putem pošte:
    - 1) Kod koje nije priložena kompletna kopija dokumenta unosi se razlog: *„Dokaz boravišta u inostranstvu nije kompletan“*.
    - 2) Za dokument koji ne glasi na podnosioca prijave unosi se razlog: *„Dokaz boravišta glasi na drugu osobu“*.
    - 3) Za dokument koji nije odgovarajući iz člana 10. ovog Uputstva, unosi se razlog *„Dokaz boravišta u inostranstvu nije ispravan“* i
    - 4) Za dokument kod kojeg nije odgovarajuća adresa boravka u prijavi i dokumentu, unosi se razlog: *„Dokaz o adresi boravišta u inostranstvu nije identičan adresi unesenoj u prijavni obrazac“*.
- (2) Nakon unošenja razloga iz stava (1) ovog člana, status prijave se mijenja u: *„Prijava ne ispunjava uslove“*.
- (3) O promjeni statusa prijave iz stava (2) ovog člana, podnosilac se obavještava putem Aplikacije za upis birača izvan BiH i e-maila.
- (4) Dopunjavanje prijave i E-dokumentacije, odnosno otklanjanje nedostatka, podnosilac prijave može izvršiti u roku od sedam (7) dana od dana dostave obavjesti Centralne izborne komisije BiH putem Aplikacije za upis birača izvan BiH.

#### **Član 15.**

##### **(Unos i obrada prijave za glasanje putem telefaksa)**

- (1) Prijavni obrazac za glasanje izvan BiH i kopije dokaza o identitetu i dokaza o boravištu dostavljeni putem telefaksa, nakon prijema unose se od strane Centralne izborne komisije BiH u Aplikaciju za upis birača izvan BiH.
- (2) Da bi unos bio izvršen, u Aplikaciji za upis birača izvan BiH vrše se provjere:
  - a) Da li je podnosilac prijavnog obrasca upisan u Centralni birački spisak.
  - b) Da li je podnosilac već podnio zahtjev putem Aplikacije za upis birača izvan BiH.
  - c) Da li je prijavni obrazac potpuno popunjen i svojeručno potpisan.
  - d) Da li je kopija dokaza o identitetu dostavljena i
  - e) Da li je kopija dokaza o tačnoj adresi u inostranstvu za birače koji glasaju putem pošte dostavljena.



- (3) Ukoliko su ispunjeni uslovi iz stava (2) ovog člana, prijavni obrazac i dokumentacija se unosi i obrađuje od strane Centralne izborne komisije BiH na način i po postupku utvrđenom u Poglavlju III. Podnošenje prijave za upis birača za glasanje izvan BiH elektronskim putem i ovom Poglavlju.
- (4) Prijave koje ne ispunjavaju uslove utvrđene u stavu (2) ovog člana, se unose na Aplikaciju za upis birača izvan BiH, a Centralna izborna komisija BiH podnosioca prijave obavještava o nedostatku i rokovima za otklanjanje nedostatka na pogodan način.
- (5) Podnosilac prijave koji ne otkloni nedostatak u roku određenom stavom (4) ovog člana, ostat će upisan u Centralni birački spisak za glasanje u Bosni i Hercegovini.

## **POGLAVLJE V. IZVJEŠTAVANJE I OBAVJEŠTAVANJE**

### **Član 16. (Izveštavanje)**

- (1) Izveštaj o broju dostavljenih i obrađenih prijava, Centralnoj izbornoj komisiji BiH dostavlja se najmanje jednom sedmično, a po potrebi i dnevno.
- (2) Nakon isteka rokova utvrđenih za podnošenje i obradu prijava Centralnoj izbornoj komisiji BiH dostavlja se konačni izveštaj na osnovu kojeg Centralna izborna komisija BiH donosi odluku o utvrđivanju izvoda za glasanje izvan BiH i odluku o odbijanju prijava za glasanje izvan BiH.
- (3) Konačni Izveštaj iz stava (2) ovog člana, sadrži sljedeće tabelarne podatke:
- a) Broj prijava koje ispunjavaju uslove grupisane po osnovnim izbornim jednicama.
  - b) Broj prijava koje ispunjavaju uslove grupisane po državi boravka u inostranstvu.
  - c) Broj prijava koje ispunjavaju uslove grupisane po DKP.
  - d) Broj prijava koje ne ispunjavaju uslove grupisane prema razlogu neispunjavanja uslova i
  - e) Pojedinačni pregled svih birača koji ne ispunjavaju uslove za upis za glasanje izvan BiH koji sadrži podatke: ime prezime podnosioca prijave, ime jednog roditelja, godina rođenja, država izvan BiH koja je navedena u prijavi, razlog neispunjavanja prijave za upis izvan BiH.

### **Član 17. (Obavještavanje)**

- (1) Centralna izborna komisija BiH, registrovanog korisnika na e-Izbori putem e-maila, obavještava o svim relevantnim informacijama vezanim za proces prijave za glasanje izvan BiH.
- (2) Obavještenje iz stava (1) ovog člana, dostavlja se automatski, putem e-maila.
- (3) Za obavještenja iz stava (1) ovog člana, relevantno je vrijeme evidentirano u bazi podataka e-Izbori.

## **POGLAVLJE VI. POSTUPANJE SA ELEKTRONSKIM PODACIMA**

### **Član 18. (Elektronski podaci)**

- (1) Centralna izborna komisija BiH nakon okončanja procesa upisa birača za glasanje izvan Bosne i Hercegovine, biračima čija prijava ispunjava uslove za glasanje izvan BiH u Centralnom biračkom spisku, biračka opција se mjenja na glasanje poštom ili u DKP BiH.
- (2) Elektronski podaci o biračima koji glasaju izvan BiH u pogodnom formatu, dostavljaju se dobavljaču za izradu i pakovanje glasačkih paketa.

## **POGLAVLJE VII. PRAVA I OBAVEZE**

### **Član 19.**

#### **(Prava i obaveze podnosioca)**

- (1) Podnosilac prijave ima obavezu da prihvati uslove korištenja e-Izbori i da saglasnost na obradu ličnih podataka.
- (2) Podnosilac prijave ima pravo da bude upoznat sa statusom podnesene prijave.
- (3) Podnosilac prijave ima pravo da podnese zahtjev za uklanjanje svih podataka i dokumentacije iz Aplikacije za upis birača izvan BiH.
- (4) Podnosilac prijave je dužan da unese sve zahtjevane podatke i priloži potpunu E-dokumentaciju.
- (5) Podnosilac prijave odgovoran je za vjerodostojnost podataka koje navodi u prijavi i koje podnosi, uz prijavu.

### **Član 20.**

#### **(Postupak po prijavi i zaštita elektronskih prijavi i dokumenata)**

- (1) Centralna izborna komisija BiH je obavezna da podnosiocu prijave potvrdi prijem prijave putem e-maila.
- (2) Centralna izborna komisija BiH je obavezna da se stara o povjerljivosti podataka sadržanih u dostavljenoj prijavi putem Aplikaciju za upis birača izvan BiH.
- (3) Centralna izborna komisije BiH ima pravo da sve dostavljene podatke i E-dokumentaciju obrađuje kroz posebno razvijenu aplikaciju za birače koji glasaju izvan BiH i vrši provjere u skladu sa zakonom.
- (4) Centralna izborna komisija BiH je obavezna da po zahtjevu podnosioca prijave ukloni sve podatke i elektronske dokumente koji se nalaze u Aplikaciji za upis birača izvan BiH.

### **Član 20a.**

#### **(Upotreba izraza u muškom i ženskom rodu)**

Riječi koje su radi preglednosti u ovom Uputstvu, navedene u jednom rodu, bez diskriminacije se odnose i na muški i na ženski rod.

## POGLAVLJE VIII. ZAVRŠNE ODREDBE

### Član 21. (Tehničko uputstvo)

Centralna izborna komisija BiH će, u skladu sa odredbama ovog Uputstva, sačiniti Tehničko uputstvo za korisnike e-Izbora i Aplikacije za upis birača izvan BiH, u vezi sa načinom podnošenja prijave i putem zvanične internet stranice i e-Izbora upoznati korisnike

### Član 22. (Propisi obuhvaćeni Uputstvom)

Ovo Uputstvo obuhvata Uputstvo o postupku slanja, primanja, obrade, arhiviranja i zaštite elektronskih prijava i dokumenata državljana Bosne i Hercegovine za glasanje izvan BiH elektronskim putem ("Službeni glasnik BiH", broj 27/22) i Uputstvo o izmjeni i dopunama Uputstva o postupku slanja, primanja, obrade, arhiviranja i zaštite elektronskih prijava i dokumenata državljana Bosne i Hercegovine za glasanje izvan BiH elektronskim putem broj: 05-1-02-2-598-1/24 od 03.05.2024. godine.

### Član 23. (Objava)

Ovo Uputstvo objavit će se u "Službenom glasniku BiH", "Službenim novinama FBiH", "Službenom glasniku RS", "Službenom glasniku Brčko distrikta BiH" i na internet-stranici Centralne izborne komisije BiH [www.izbori.ba](http://www.izbori.ba).

Broj: 05-1-02-2-600-1/24  
Datum: 03.05.2024. godine



Sjedinica

Direktorica Hadžiabdić